

Gvaqcieng Lo

过年啦



Ngoenzneix dwg ngoenzndaep, dwg ngoenz doiq vunz Cungguk daeuj gangj ngoenz youqgaenj ndeu.

Gyanghaet, gou caeuq daxboh daxmeh caeuxcaux couh ganj bae ranz yahdaiq lajmbanj. Gvaqcieng lo, gizgiz cungj dwg gingisaek angqyangz. Ranzranz cungj nem doiq lo, song mbiengj gai cungj venj daeng-loengz baek geiz hoengzhoengz henjhenj, gyoengq lwnyeiz youq gyang gai faengzfwid guhcaemz, vunzlai hix daenj hwnj buhmoq, miz gangj miz riu, daihgva cungj caem youq ndaw ngoenzciet angqyangz.

Gvaqcieng lo, cei qvuenyungz cungj beij mbouj gvaq gwn haux doxcomz lo.

Banringz, yahdaiq caeuq daxmeh nyaengq dwk cawj haux cawj byaek, daengx aen ranzdajcawj cungj dwg feih homfwd, gou youq ndaw ding cwxcaih gwn cehgva, gwn dangz gwn mak, yawj densi, dangyienz lij seiz mbouj seiz bae ranzdajcawj “caeg” di ndei gwn daeuj gwn.

Gwn caeuz lo! Gak cungj gak yiengh byaek homfwd baij rim daiz, gou myaiz cungj rih lo.

“Gwnhaux lo!” Gou ciengj gonq dawz hwnj boi yinliu ndeu

sing hung naeuz: “Hoh daihgva bimoq angqyangz, siengj maz ndaej maz, saehsaeh swnhsim!”

Daxboh hix mbouj gamsim doeklaeng, ndwn hwnjdaej naeuz: “Hoh daihgva guhhong swnhleih, ndangdaej maenghcangq, miz fuk habhoz!” Goengda, yahdaiq, daxmeh hix baenbied gangj vah hohfuk. Dou dox bungq boi, dawz hohfuk caeuq caencingz rimcang-cang cungj yungz youq ndaw boi laeuj caeuq ndaw boi yinliu, doxcienz gij gyaez caeuq caencingz.

Gvaqcieng lo! Gij saeh cei qvix couh dwg yawj ndwencieng lienzvuen vanjvei lo.

Ndwencieng lienzvuen vanjvei dwg banhaemh bet diemj cingq hainduj. Lij caengz daengz bet diemj, dou daengx ranz vunz cungj caj mbouj gib naengh youq naj densi lo. Bet diemj cingq, vanjvei hainduj lo. Gwnz vujdaiz daeng ronghsag, bouxcujciz daenj buh gyaundeiz, yiedcingz angqyangz; lajdaiz bouxyawj comzyouq doxcaez, naj riunyangz-nyangz. Dou yawj le siujbinj, ciengqgo diuqfoux, fapswd, siengsingh, ciengqheiq, goengfou, cazgi daengj cizmuz. Moix aen cizmuz cungj ndei yawj raixcaix. Siujbinj biujyienj daeuz ndaej dou riuhaha.

Mbouj rox mbouj nyinh, aen cung gyanghwnz cibngeih diemj yiengj lo. Youq ndaw bauqienva saek rongh yiengh lai caeuq sing bauqreng mwnz yiengj gou dingz, dou angqangq yangzyangz coux daeuj bimoq lo.

Youh mwh sing cung cibngeih diemj yiengj mbatde, gou laeglemx wngqingz song aen simnyienh: It nyienh ranz gou bouxboux ndangcangq, guhhong swnhleih, hauejok bingzonj; ngeih nyienh ndaw bimoq gou roengzrengz doegsaw, hagsib cinbu!

Gvaqcieng lo! Gou youh majhung bi ndeu lo!

(sei qvuenyungz Cangh Yizvwnz)

Haemhndaep

除夕

Haemhndaep dwg nauhyied dangqmaz. Mwnz yawj, gou caeuq vunz ndaw ranz cingq youq ndaw ranzdajcawj nyaengq cawj haux haemhndaep. Goengda aeu geij aen gyaegaeq, sugsed guh gienjgyaeq, de dawz gyaeg raix roengz rek bae, lij mbouj lumz daeuz gou; “Mwnz yawj de, lumj mbouj lumj aen najhung mwnz?” Nyex ndaej dou cungj riuhaha. Gou cingq caeuq yahdaiq hag guh nyienh douhfouh, gou laeglemx dawz naed ngaenzdih ndeu cuengq hauej ndaw douhfouh bae, deng yahdaiq yawjraen lo, de riuhehe naeuz: “Mwnz baenz bw, lij hag laeglemx cuengq ngaenz ne!”

Gwn caeuz lo. Dou dawz byaek cungj baij hwnj daiz bae, gyoengq caencik hix laebdaeb hauej ranz daeuj, ndaw ranz yied daeuj yied nauhyied lo, daihgva mbouj dingz gangjgangj riuriu. Cei qvix cou dwg goeng, au gou lo, de cungj rox gangj di vahriu geizheih noix miz haenx, daeuz ndaej daihgva cungj riu ndaej naengh mbouj soh lo. Gyoengq caencik hix cam gou di vwndiz diuqgah ndeu, mwhde gou couh bienqbaenz boux gangj siengsingh ndeu, yungh vahriu daeuj hoizdap gyoengqde, daihgva cungj deng gou daeuz ndaej raemxda rih okdaej lo, gwnz daizbyaek feih gvaqcieng engq haeng lo.

Haemhndaep dwg ndaw bi ndeu ngoenz cei qvix nauhyied ndeu, youq ndaw sing angq sing riu, doxcienz haenx dwg caencingz rauejrub, gangjok haenx dwg doiq daengzcog maqmuengh.

(Gvangjdungh Swngj Cuhhaij Si Yanghcouh Gih Daihcib’it Siujyoz Vangz Gojsinh)



Cawx Nienzhuq

买年货



Yaek daengz cieng lo, gou caeuq daxboh daxmeh bae cauhsi cawx nienzhuq, gou mbouj rox geijlai angq ha!

Dou daeujdaengz cauhsi, raq “feihnienz” he coemj hauej naj daeuj, gizgiz cungj dwg “nding Cungguk”, bakdou cauhsi venj miz daengloengz nding, song mbiengj bakdou nem doi nding-yanyan, lij miz cih “fuk” ndinghenj, giet Cungguk ndinghoengz, caen gyaundeiz!

Ndaw cauhsi vunz lai vunz

daih, nauhyied raixcaix. Gou caeuq daxboh dangq vunz dangq doi aen ci iq ndeu, caenx youq ndaw vunzlai dwgrengz byaij dwk. Yawj gij saenzcingz angqyangz vunzlai, gou hix nyaenx mbouj ndaej riu lo. Ndw cauhsi doxgauj yienghyienh cungj miz, cien gaiq fanh yiengh, hawj gou yawj ndaej dava liux.

Dou hainduj genj cawx nienzhuq lo. Gou caeuq daxmeh hauej giz gai gijgwn bae, daxboh gag bae gizwnq. Gou cawx le baulaihleix, caengh le cehgva, duhnamh, dangz, bingj daengj. Byaij daengz giz gai gijgwn lwnyeiz, va, baenzlai gojdung! Gij yiengh gojdung gak cungj gak yiengh ciuyinx dwk gou: Miz yiengh doenghduz, cihmeh, hajgaksing, lij miz gij yiengh gak cungj mak. Feihdah hix miz haujlai cungj: Miz feih makbingzgoj,

makdumh, makgyoij, cijvaiz daengj. Gou yienghyienh cungj siengj aeu, gangjip dawz daeh daeuz coux daeh hung rimrim he. Mwhde, daxboh hix doi ci coux rim byaek, laeuj, yinliu caeuz mak he gvaqdaej lo. Gou fwt siengj hwnj daengz cawx mbaw “fuk” ne, yienghneix dou youh genj le geij mbaw cih “fuk” gyaundeiz, gou gaemdawz mbaw cih “fuk”, roxnyinh gig vuenyungz!

Youq gwnz loh ma ranz, gou siengj dwk: Cingqdwg aenvih guekcoj ngoenz beij ngoenz maenhak, raeuz cij miz aencieng gawq bingzonj youh naengq he, gou caen-sim maqmuengh youq ndaw bimoq neix, hawj engq lai saehndeiz heux youq henz ndang moix boux vunz! Hawj daihgva ngoenzngoenz cungj najriu vuenyungz!

(Mungz Yen)